

歷代帝王宅京記卷十八

崑山顧炎武著

吳縣朱記榮校刊

臨潢

遼

遼史兵衛志曰遼建五京臨潢契丹故壤遼陽漢之遼東為渤海故國中京漢遼西地自唐以來契丹有之析津大同故漢地

又曰太祖建皇都於臨潢府太宗定晉晉王石敬瑭來獻十六城乃定四京改皇都為上京

地理志曰上京臨潢府本漢遼東郡西安平之地新莽曰北安平太祖取天梯別魯等三山之勢於葦甸射金

歷代帝王宅京記卷十八

宋氏槐廬校刊

齧箭以識之謂之龍眉宮

齧側角反箭名神册三年城之名曰

皇都天顯十三年更名上京府曰臨潢涑流河自西北南流遼京三面東入於曲江其北東流為按出河又有御河沙河黑河潢河鴨子河他魯河狼河蒼耳河輞子河臚胸河陰涼河豬河兜央湖興國惠民湖廣濟湖鹽灤百狗灤大神淀馬孟山兔兒山野鵲山鹽山鑿山松山平地松林大斧山列山屈劣山勒得山唐所封大賀氏勒得王墓存焉

又曰上京太祖創業之地負山抱海天險足以為固地沃宜耕植水草便畜牧金齧一箭二百年之基壯矣天顯元年平渤海歸乃展郭建宮室名以天贊起三大



殿曰開皇

太祖紀二年冬十月己亥朔建明王樓七年春三月神速始劫西樓焚明王樓八年冬十

一月甲子朔建開皇殿於明皇樓基

安德五鑾中有歷代帝王御容每月朔望節辰忌日在京文武百官並赴致祭又於內城東

南隅建天雄寺奉安烈考宣簡皇帝遺像是歲太祖崩

應天皇后於義節寺斷腕實太祖陵卽寺建斷腕樓樹

碑焉太宗援立晉晉遣宰相馮道劉昫持節具鹵簿法

服至此册上太宗及應天皇后尊號太宗詔蕃部竝依

漢制御開皇殿闢承天門受禮因改皇都爲上京城高

二丈不設敵樓幅員二十七里門東曰迎春曰雁兒南

曰順陽西曰金鳳曰西雁兒曰南福其北謂之皇城高

三丈有樓櫓門東曰安東南曰大順西曰乾德北曰拱

辰中有大內內南門曰承天有樓閣東門曰東華西曰

西華此通內出入之所正南街東留守司衙次鹽鐵司

次南門龍寺街南曰臨潢府其側臨潢縣縣西南崇孝

寺承天皇后建寺西長泰縣又西天長觀西南國子監

歷代帝王宅京記卷十八

二

朱氏槐廬校刊

監北孔子廟廟東節義寺又西北安國寺太宗所建寺

東齊天皇后故宅宅東有元妃宅卽法天皇后所建也

其南有聖尼寺綾錦院內省司麴院贍國省司二倉皆

在大內西南入作司與天雄寺對南城謂之漢城南當

橫街各有樓對峙下列井肆東門之北潞縣又東南興

仁縣南門之東回鶻營回鶻商販留居上京置營居之

西南同文驛諸國信使居之驛西南臨潢驛以待夏國



使驛西福先寺寺西宣化縣西南定霸縣縣西保和縣西門之北易俗縣縣東遷遼縣

周廣順中胡嶠記曰上京西樓有邑屋市肆交易無錢而用布有綬錦諸工作宦者翰林伎術教坊角觝儒僧尼道士皆中國人并汾幽薊爲多

宋大中祥符九年薛映記曰上京者中京正北八十里至松山館七十里至崇信館九十里至廣甯館五十里至姚家寨館五十里至咸甯館三十里度潢水石橋旁有饒州唐於契丹嘗置饒樂令渤海人居之五十里保和館度黑水河七十里宣化館五十里長泰館館西二十里有佛舍民居卽祖州又四十里至臨潢府自過崇信館乃契丹舊境其南奚地也入西門門曰金德內有臨潢館子城東門曰順陽北行至景福門又至承天門內有昭德宣政二殿與檀廬皆東向臨潢西北二百餘里號涼淀在饅頭山南避暑之處多豐草掘地丈餘卽有堅冰

國語解曰遼有四樓在上京者曰西樓木葉山曰南樓龍化州曰東樓唐州曰北樓歲時獵常在四樓間

五代史四夷附錄曰阿保機以其所居爲上京起樓其間號西樓又於其東千里起東樓北三百里起北樓南木葉山起南樓往來射獵四樓之間契丹好鬼而貴日每月朔旦東向而拜日其大會聚視國事皆以東向爲



尊四樓門屋皆東向

金史地理志曰臨潢府地名西樓遼爲上京國初因稱之天眷元年改爲北京天德二年改北京爲臨潢府路有天半山好水川行宮地也大定二十五年命名有撒里乃地熙宗皇統九年嘗避暑於此有陷泉國言曰落孛魯有合曷追古思阿不漠合沙地

幽州

遼史太宗紀曰會同元年十一月晉遣趙瑩奉表來賀以幽薊瀛莫涿檀順媯儒新武雲應朔寰蔚十六州并圖籍來獻於是詔以皇都爲上京府曰臨汴升幽州爲南京南京爲東京

歷代帝王宅京記卷十八

四

朱氏槐廬校刊

地理志曰南京析津府本古冀州之地高陽氏謂之幽陵陶唐曰幽都有虞析爲幽州商復爲冀州周職方東北曰幽州武王封太保奭於燕國爲燕國廣陽國後漢爲廣陽郡隋爲幽州總管唐置大都督府改范陽節度使晉高祖以遼有拔立之勞割幽州等十六州以獻太宗升爲南京又曰燕京城方三十六里崇三丈橫廣一丈五尺敵樓戰櫓具入門東曰安東迎春南曰開陽丹鳳西曰顯西清晉北曰通天拱辰大內在西南隅皇城內有景宗聖宗御容殿殿東曰宣和南曰大內內門曰宣教改元和外三門曰南端左掖右掖左掖改萬春右掖改千秋門有樓閣毬場在其南東爲永平館皇城西



門曰顯西設而不開北曰子北西城嶺有涼殿東北隅有燕角樓坊市廨舍寺觀蓋不勝書其外有居庸松亭榆林之關榆林疑當作臨渝古北之口桑乾河高粱河石子河大安山燕山中有瑤嶼府曰幽都軍號盧龍開泰元年落軍額

聖宗紀曰開泰元年十月甲午朔改幽都府爲析津府薊北縣爲析津縣幽都縣爲宛平縣

興宗紀曰重熙五年五月壬戌詔修南京宮闕府署宋王曾上契丹事曰自雄州白溝驛渡河四十里至新縣古督亢亭之地又七十里至涿州北渡范水劉李河六十里至良鄉縣渡盧溝河六十里至幽州號燕京子

歷代帝王宅京記卷十八

五

朱氏槐廬校刊

城就羅郭西南爲之正南曰啟夏門門內有元和殿東門曰宣和城中坊閤皆有樓有憫忠寺本唐太宗爲征遼陣亡將士所造又有開泰寺魏王耶律漢甯造皆邀朝使遊觀南門外有于越王廨爲宴集之所門外永平館舊名碣石館清河後有之南卽桑乾河

金史地理志曰中都遼會同元年爲南京開泰元年號燕京海陵貞元元年定都以燕乃列國之名不當爲京師號遂改爲中都

天德三年始圖上燕城宮室制度三月命張浩等增高燕城城門十有三東曰施仁曰宣曜曰陽春南曰景風曰豐宜曰端禮西曰麗澤曰顯華曰彰義北曰會城曰



通元曰崇智曰光泰浩等取真定府潭園材木營建宮室及涼位十六 應天門十一楹左右有樓門內有左右翔龍門及日華月華門前殿曰大安左右掖門內殿東廊曰敷德門大安殿之東北爲東宮正北列三門中曰粹英爲壽康宮母后所居也西曰會通門門北曰承明門又北曰昭慶門東曰集禧門尙書省在其外其東西門左右嘉會門也門有二樓太安殿後門之後也其北曰宣明門則常朝後殿門也北曰仁政門旁爲朵殿朵殿上爲兩高樓曰東西上閣門內有仁政殿常朝之所也 宮城之前廊東西各二百餘間分爲三節節爲一門將至宮城東西轉各有廊百許間馳道兩旁植柳廊脊覆碧瓦宮闕殿門則純用碧瓦應天門舊名通天門大定五年更七年改福壽殿曰壽安宮明昌五年復以隆慶宮爲東宮慈訓殿爲承華殿承華殿者爲皇太子所居之東宮也泰和殿泰和二年更名慶甯殿又有崇慶殿 魚藻池瑤池殿位貞元元年建有神龍殿又有觀會亭又有安仁殿隆德殿臨芳殿皇統元年有元和殿又有常武殿有廣武殿爲擊毬習射之所 京城北離宮有大甯宮大定十九年建後更爲甯壽又更爲壽安明昌二年更爲萬壽宮瓊林苑有橫翠殿甯德宮西園有瑤光臺又有瓊華島又有瑤光樓皇統元年有宣和門正隆二年有宣華門又有撒合門



大金國志曰海陵煬王遣左右丞相張浩張通古左丞  
蔡粉年調諸路夫匠築燕京宮室皇城周九里三十步  
自天津橋之北曰宣陽殿中門繪龍兩偏繪鳳用金釘  
釘之中門惟車駕出入乃開兩偏分雙隻日開一門過  
門有兩樓曰文曰武文之轉東曰來甯館武之轉西曰  
會同館正北曰干步廊東西對焉廊之半各有偏門向  
東曰太廟向西曰尙書省至通天門後改名應天樓高  
八丈朱門五飾以金釘東西相去一里餘又各設一門  
左曰左掖右曰右掖內城之金東曰宣華正西曰玉華  
北曰拱辰內殿凡九重殿凡三十右六樓閣倍之正中  
位曰皇帝正位後曰皇后正位位之東曰內省西曰十

歷代帝王宅京記卷十八 七

朱氏槐廬校刊

六位乃妃嬪居之西出玉華門曰同樂園若瑤池蓬瀛  
柳莊杏村皆在焉都城四圍凡七十五里城門十二每  
一面分三門其正門四旁又設兩門正東曰宣曜陽春  
施仁正西曰顯華麗澤彰義正南曰豐宜景風端禮正  
北曰通元會城崇智史有光泰門此四城十二門也此外有  
宣陽門卽內城之南門也土有重樓制度宏大三門竝  
立中門常不開惟車駕出入通天門卽內城之正南門  
也四角皆堞樓瓦皆琉璃金釘朱戶五門列焉常扁惟  
大禮給享則由之宣華乃內城之正東門玉華正西門  
也左掖東偏門右掖西偏門各有武夫守衛拱宸卽內  
城正北門也又曰後朝門制度守衛與玉華宣華等金



碧翬飛規模宏麗矣

又曰初忠獻王粘罕有志於都燕因遼人宮闕於內外城築四城每城各三里前後各一門樓櫓墉塹悉如邊城每城之內立倉廩甲仗庫各穿複道與內城通時陳王兀室及韓常笑其過計忠獻王曰百年閒當以吾言爲信及海陵煬王定都欲撤其城翟天祺曰忠獻王開國元勳置此當有說乃止及衛紹王時蒙古軍至乃命京城富室遷入東子城百官入南子城宗室保西城戚里保北城各分守兵二萬大興尹烏陵用章命京畿諸將毀各橋梁瓦石悉運入四城往來以舟渡運不及者投之於水拆近城民屋爲薪納之城中蒙古兵攻城四

歷代帝王宅京記卷十八

八

宋氏槐廬校刊

城兵皆迭自城上擊之蒙古凡比歲再攻不能克范石湖攬轡錄興陵見宋使儀衛戊子早入見循東西御廊北行廊幾二百閒廊分三節每節一門將至宮城廊卽東轉又百許閒其西亦然亦有三出門中馳道甚闊兩旁有溝上植柳廊脊皆以青琉璃瓦覆宮闕門戶卽純用之北卽端門十一閒曰應天之門下開五門兩挾有樓如左右昇龍之制東西兩角樓端門內有左右翔龍門月華門前殿曰大安殿使人自左掖門入北循大安殿東廊入敷德門東北行直東有殿宇門曰東宮直北西南列三門中曰書英是故壽康殿母后所居西曰會通門自會通北入承明門又北則昭慶門東則集



禧門尚書省在門外東西則左右嘉會門二有樓卽大安殿後門之後至幕次黑布拂廬侍班有頃入宣明門卽當朝後殿門也門內庭中列衛士二百許人貼金雙鳳幟頭團花紅錦衫散手立入仁政隔門至仁政殿下團鳳大花氈可半庭殿西旁有朵殿朵殿上兩高樓曰東西上閣門兩廊悉有簾幙中有甲士東西御廊循簷各列甲士東立者紅茸甲金纏竿槍黃旗畫青龍西立者碧茸甲金纏竿槍白旗畫黃龍至殿下皆然惟立於門下者錦袍持弓矢殿兩階雜列儀物幢節之屬如道家醮壇威儀之類使人由殿下東行上東階卻轉南由露臺北行入殿闕謂之欄子金主幟頭紅袍玉帶坐七

歷代帝王宅京記卷十八

九

宋氏槐廬校刊

寶榻皆有龍水大屏風四壁帟幕皆紅繡龍拱斗皆有繡衣兩楹間各有大出香金獅蠻地鋪禮佛毯可一殿兩旁玉帶金魚或金帶者十四五人相對列立遙望前後殿屋崛起甚多制度不經工巧無遺力煬王亮始營此都規摹出於孔彥舟役民夫八十萬兵夫四十萬作治數年死者不可勝計

元史地理志曰大都路唐幽州范陽郡遼改燕京金遷都爲大興府元太祖十年克燕初爲燕京路總管大興府太祖七年置版籍世祖至元元年中世省臣言開平府闕庭所在加號上都燕京分立省部亦乞正名遂改中都其大興府仍舊四年始於中都之東北置今城而



遷都焉九年改大都十九年置留守司二十一年置大  
都路總管府 京城右擁太行左挹滄海枕居庸奠朔  
方城方六十里十一門正南曰麗正南之右曰順承南  
之左曰文明北之東曰安貞北之西曰健德正東曰崇  
仁東之右曰齊化東之左曰光熙正西曰和義西之右  
曰肅清西之左曰平則海子在皇城之北萬壽山之陰  
舊名積水潭聚西北諸泉之水流入都城而匯於此汪  
洋如海都人因名焉恣民漁採擬之周靈沼云  
世祖本紀曰中統二年冬十月修燕京舊城  
四年春三月庚子亦黑迭兒丁請修瓊華島不從  
至元元年春二月壬子修瓊華島

歷代帝王宅京記卷十八

十

朱氏槐廬校刊

二年冬十二月己丑瀆山大玉海成敕置廣寒殿

三年夏四月丁卯五山珍御榻成置瓊華島廣寒殿

冬十二月丁亥修築宮城

四年夏四月甲子新築宮城

秋七月壬辰作玉殿於廣寒殿中

五年冬十月戊戌宮城成

八年春二月丁酉發中都真定順天河間平灤民二萬

八千餘人築宮城

九年夏五月乙酉初建東西華左右掖門

十年冬十月初建正殿寢殿香閣周廡兩翼室

十一年春正月己卯朔宮闕告成帝始御正殿受朝賀



夏四月癸丑初建東宮

冬十一月起閣南直大殿及東西殿

十七年冬十二月甲午大都重建太廟成自舊廟奉遷神主於祔室遂行大亨之禮

十九年春二月修宮城太廟司天臺

二十一年秋七月壬申造溫石浴室及更衣殿

成宗紀曰大德八年秋七月辛亥築郊壇於麗正文明門之南丙位

十年秋八月丁巳京師文宣王廟成

武宗紀曰至大二年夏四月壬午創皇城角樓

仁宗紀曰皇慶二年夏六月甲申建崇文閣於國子監

歷代帝王宅京記卷十八

十一

宋氏槐廬校刊

延祐五年春二月建盞頂殿於文德殿後

英宗紀曰至治二年二月甲寅以太廟役軍造流盃池行殿廣海

順帝紀曰至正十三年春正月甲戌重建穆清閣

九月己丑建皇太子盞頂殿於聖安殿西

冬十月徹世祖所立壇殿改建殿宇

十九年冬十月庚申朔詔京師十一門皆築甕城造弔橋

歷代帝王宅京記卷十八終